

حقوقی بیلگیلر مجموعه سی

آیده بر نشر اولنور

DOCTRINE

تَتَبُّعَاتُ

حقوقی فیکرلر — RÉFLEXIONS JURIDIQUES

وحدت فضا

بر ملتک یاشاماسی قوتلی اولماسنه منوط ایسه اک بویوک قوتی افرادی آراسنده ، مهما ممکن ، یک اساسلی نقطه لرده ، وحدت نظر اولماسنده مندیجدر ؛ تدریسامک توحیدینه چالشلماسی بو هدفی الده ایتمک یارایان بویوک بر واسطه در ؛ وحدت قضا ایسه بر مملکتده عدالتک حسن صورتله تطبیقنه مدار اوله جق یک مهم بر بولدر ؛ قضاتک متعدد اوله بیله جکلی دوشونمک عدالت و حق مفهوم لری حقنده بر مملکتده مختلف و یکدیگریله چارپیشان نظریه لریک دوامنه و یاشاماسنه مساعده ایتمک دیمکدر که بویوک بر تذبذب محل و بریله جکی طبیعیدر ؛

کنج جمهوریتیز بو حقیقی لایقيله آکلادیغی ایچوندی که وحدت قضایه دوغرو یک جدی آدیملر آتمش و مملکتده حال حاضرده تک بر عدلیه سیستمی موجوددر ، او عدلیه سیستمک باشنده مختلف محکمه لریک متناقص اجتهاد لری توفیق ایده جک و بو خصوصده ناظم رولنی اوینایه جق محکمه تمیز وارددر ؛

فقط وحدت قضا تام معناسيله بزده موجود دكلدر؛ زيرا قضای عدلی ياننده برده «قضای اداري» وارد؛ دولته افراد آراسنده متحدت بعض دعاوی - مطروح ویركولره قارشو پايسلان اعتراضلرده اولدینی کبی - اداري ماهیتی حائز قوميسیونلر واسطه سيله حل ایدلیدی کبی دیگر بر قسم اختلافات دردست تشکل بولان شورای دولته حلی متصودر؛ بر طرفدن اداري قوميسیونلرده طرفندن اولان دولتك دائره ماليه سی ارکانی اعضا صورتيله حاکم موقعنده بولونماسی نه قدر دوعرو اوله جفی جای سوأل اولدینی کبی علنیتدن، مرافعه دن محروم بر صورتده تدقیقاتك اجرایی ده فکر عدالتی تطمین ایده جك خصوصاتدن دكلدر؛ شورای دولته کلنجه، حال حاضره نظراً، تأسیسی بر امر خیر اوله جفنه قانع ایسه مده وحدت قضا تأمین ایدلك ایسته نبرسه شورای دولتك عدلی وظائفكده محكمه تمیزه حواله سی امر ضروریدر؛ بر مسئله ایکی فرد ملت آراسنده تحدت ایتدکده محاکمك بتون باصا ماقلربی چکدکن صوکر محكمه تمیز هیئت عمومی سنده حل ایدیلرک بر اجتهاد قضائی تأسیس ایدلیدی حالده عینی مسئله بشقه بر جهتدن، حکومته افراد آراسنده تحدت ایدلکده نهایت الامر شورای دولته حلی ایجاب ایده جکندن اورادن چیه جق اجتهاد ایله تعارض ایده بیله جك دیمکدر؛ اوحالده مملکتده وحدت قضاتك وجودی ادعا ایدیله مز.

وحدت قضا انغولاساقسون ملترلنده انکلترده، آمریقاد و انکلیر مستملکه لرنده جاری ایکن قضای عدلیك ياننده قضای اداري یی قولالانان ملتر اساساً لاتین ملتری وباخصو فرانسهدر؛ فقط فرانسه ده بو اصولك قبولی بر چوق اسباب تاریخیهك مولودی بر حادثه اولوب تورکیده بوبله اسباب غیر موجوددر؛

بزده قضای اداريك قبولی - مملکته بویوک خدمت ایتدیکنی قبول ایتمکله برابر - صرف فرانسه یی بلا محكمه تقلیددن ایلری کلشدر. هر حالده بزده عدلی سیستمزی مطلقاً ومطلقاً فرانسه دن اقتباسه هیچ مجبور دکلز ظندهیم. بناء علیه بومسئلهك دولته ده درین وانغولاساقسون سیستمی تدقیق ایدلك صورتيله تعمیق لازمدر؛ کوروله جکدرکه انقلابمه یاراشان شکل وحدت قضاتك شامل معناسيله تطبیقندهدر.

فرانسه ده وحدت قضا لهنده بویوک بر جریان موجوددر؛ باشنده پروفور موسیو ژاکلن اولوب بو ذات یکریمی بش سندن برو نظریه لرینی حقوق فا کولته سنده تدریس ایتمکده و چوق طرفدارلر قازانمقدهدر؛ بو مسئله حقنده مجموعه مزه اوچ درت مقاله یازماسنی بو دفعه، پارس سیاحتمه، تأمین ایتدم.

بومقاله‌لری کانون نانی نسخه‌سندن اعتباراً نشرایده جکمری امیدایدیورم؛ مملکت مزده بومسئله ایله اشتغال ایتش آرقداشارک لطف ایدہ جکاری مطالعه‌لری یازاجنر؛ مجموعه من بومسئله اهمیت مخصوصه عطف ایتدیکندن متبادیاً بو بحثه رجوع ایدہ جکر .

مع هذا هر اجتہادہ رطیتکار اولق باخصوص حقوق ذہنیتک شعاری اولدیفندن بو نسخه‌مزده فاکولته من حقوق عامه مدرسلردن پروفیسور موسیو شارل قروزانک مطالعاتمزه مخالف اوله‌رق قضای اداریی مدافعہ ایدن مقاله‌سنی نشر ایدیسورز؛ بیاناتنده یالکز بر نقطه شایان اهمیتدر؛ اوده ، اداري مسائلده اختصاصک تأمین لزومنه دائردر ؛ فقط مسائل اداریه دخی قضای عدلیه حواله ایدیلیرسه بو مسئلهلر ایله اشتغال ایدہ جک محکمہ تمیزک بر شعبه‌سندہ او اختصاص تأمین ایدلزمی؟ هر حالده انفلوساقسون اصولی سایه‌سندہ او اداري مسئلهلر ایچون ، صوک سوز محکمہ تمیز هیئت عمومی‌سده راجع اوله‌جغندن وحدت قضا تأمین ایدلش اولور .

قازانچ برکیسی تعدیلوی

حکومت مز صوک ویرکو قانونلرینه بعض تعدیلات یاپه‌جقدر . عجیباً بو وسیله‌ده حقوق نقطه‌دن قازانچ ویرکوسنه کوچوک بر تعدیل یاپه‌مازمی ؟ قانونک ۹۹ نجی ماده‌سده کوره بیانامه‌لری مبادنده ویرمین مکلفردن برنجی دفعه‌سندہ ویرکی ایکی و تکرری حالده درت و اوچنجی دفعه‌سندہ بش قات اوله‌رق تحصیل اولور ؛ فقط مالیه وکالتی ایسترسه بش قات یرینه تجارتکاهی آلتی آی مدتلہ و « بلا حکم » سد ایدر . شو « بلا حکم » تعبیری بر درلو آکلایه‌مایورم . مثلاً دفاتری منتظماً طوتمایان برتجاره اون لیرالک جزای نقدی طرح ایتک ایچون دفتردارلنک صلح محکمہ‌سده مراجعته مجبوری ۶۹ نجی ماده صراحتندن ایکن برتجارتخانه‌یی محوایده‌بیلن سد کیفیتی بلا محاکمه ، یعنی مکلفی دیکله‌مه‌دن ، مدافعہ‌سنی آکلامادن ادارهٔ حکم ایتک هیچ بر خلق حکومتنده روا کوروله‌جک بر حال دکلدر ؛ وکالتک هر دوسیه‌یی اوزون اوزادی‌یه تدقیق ایدمه‌یه‌جکنه نظراً محلی مأمورین مالیه‌سک کوندره‌جکی راپور اوزرینه سد قرارینک صادر اولماسی پک محتملدر ؛ بو کبی شرائط داخلنده حقوق عبادک محفوظ بولوندینی ادعا ایدیلهر ؛ هم ، محکمہ‌دن بو قدر قورقنه نه سبب اوله‌بیلیر ؟ سدینه لزوم کوردیکی کبی جهت مالیه مسئله‌یی بر تذکره ایله محکمہ‌یه عرض ایدر و محکمہ مکلفی دیکله‌دکن صوکرا ، معذرتی یوقسه

سدینه حکم ایدر؛ محکوم اولان بر آدمه هیچ اولمازسه کندیسنی مدافعه امکانی ویرلدجه او تدبیرک کیفی اوله بیلیمک احتمالنن قورتوله ماز .

قازانچ قانونسک حقوق نقطه دن ایکنجی تعدیلی ۴۶نجی ماده ده بابیلما ایدر: اعتراض قومیسونی « عندالحاجه » مکلفی استماع ایدر؛ قومیسئون شفاهاً ایضاحات متممه ویرمک طلبنده بولونمایان بر مکلفی عندالحاجه استماع خصوصنده حق تقدیری حائزایسه ده شفاهاً مدافعه ده بولونمق ایسته ین مکلفی مطلقاً دیکلمکه مجبور طوتولما ایدر: مکلفه، ویردیکی تحریری اعتراضنامه یی تأییداً شفاهی ایضاحات ویرمک صلاحیتنی بخش ایتمکده هیچ بر محذور متصور دکدر؛ بو صورتله حرکت ایتمکده ایسه عدالت مفهومه دهافضله رعایت ایدلمش اولمقدن باشقه بر محذور موجود دکدر؛ بر قاچ آیلق تجربه دن صوکرآ خلقک شکایاتی نظر اعتباره آلهرق اتخاژ تدایره مسارعت ایدن حکومتک بو جهتلری دقتدن اوزاق طوتمایه جفی امید ایدیله بیلیر .

میدلسلی غار فرانفر

مفوق اداره

قضای اداری نك استقلالی

طولوز فاکولته سی سابق معلملرندن اولوب استانبول حقوق فاکولته سی حقوق عامه مدرسلکنه تعیین ایدیلن پروفیسور موسیو شارل قروزانک مجموعه مزایچون قلمه آلدینی شومهم مقاله سی ترجمه ایتدک؛ محترم محررک بو مقاله ده مدافعه ایتدیکی افکار و نظریات مجموعه مزانک پروگرامنه مقابردر؛ بونسخه نك برنجی مقاله سنده ایضاح ایدلدیکی وجهله مجموعه مز « وحدت قضا » بی علی الاطلاق هر درلو اختلافاتک و میانده دولته افراد آراسنده متحصل اختلاف لک دخی محاکمه عادیه جه لزوم حل صورتنده آکلامقده در؛ مع هذا پروفیسور قروزانک « قضای اداری » بی مدافعه ایدن اجتهادینه حرمة مقاله سی نشر ایدیورز .

« حکومتلر محکمه حضورینه کتیرلمکه حاکمیت پرنسپی اخلاص ایدلمش اولماز » . بو مطالعه پروفیسور لارنود Larnaude طرفندن ۱۹۱۰ سنه سنده بروکسلده انعقاد ایدن بین الملل حقوق اداره قونفره سنده سرد ایدلشددر .

تورکیه جمهوریتنک محاکم اداریه یه مالک اولوب اولماسی لازمکه چکی مسئله سی مهم بر مسئله تشکیل ایدر . بو خصوصده دیگر حکومتلرده جاری اولان احوال نه مرکزده در؟